



**განათლების, მეცნიერებისა და
ახალგაზრდობის სამინისტრო**

13/11/2025



MES 7 25 0001606606

ბრძანება

თბილისი

**„სახელმწიფო სტიპენდიები სტუდენტებს“ პროგრამის დამტკიცების შესახებ“ საქართველოს
განათლების, მეცნიერებისა და ახალგაზრდობის მინისტრის 2025 წლის 28 იანვრის №73255
ბრძანებაში ცვლილების შეტანის თაობაზე**

საქართველოს ზოგადი ადმინისტრაციული კოდექსის 63-ე მუხლის, „საქართველოს განათლების, მეცნიერებისა და ახალგაზრდობის მინისტრის პირველი მოადგილისათვის და მოადგილეებისათვის უფლებამოსილების მინიჭების შესახებ“ საქართველოს განათლების, მეცნიერებისა და ახალგაზრდობის მინისტრის 2025 წლის 8 ივლისის №840011 ბრძანებისა და „ბაია კვიციანისთვის უფლებამოსილების დაკისრების შესახებ“ საქართველოს განათლების, მეცნიერებისა და ახალგაზრდობის მინისტრის 2025 წლის 11 ნოემბრის №1590512 ბრძანების საფუძველზე და საქართველოს განათლების, მეცნიერებისა და ახალგაზრდობის მინისტრის მოადგილის 2025 წლის 11 ნოემბრის №1583644 სამსახურებრივი ბარათის გათვალისწინებით

ვ ბ რ ძ ა ნ ე ბ ა:

1. შეტანილ იქნეს ცვლილება „სახელმწიფო სტიპენდიები სტუდენტებს“ პროგრამის დამტკიცების შესახებ“ საქართველოს განათლების, მეცნიერებისა და ახალგაზრდობის მინისტრის 2025 წლის 28 იანვრის №73255 ბრძანებაში და ბრძანების პირველი პუნქტით დამტკიცებული „სახელმწიფო სტიპენდიები სტუდენტებს“ პროგრამა (პროგრამული კოდი 32 04 02 06) ჩამოყალიბდეს ამ ბრძანების დანართის შესაბამისად.
2. ბრძანება ძალაშია ხელმოწერისთანავე.
3. ბრძანება შეიძლება გასაჩივრდეს მისი გამოცემიდან ერთი თვის ვადაში თბილისის საქალაქო სასამართლოში (მის.: ქ. თბილისი, დავით აღმაშენებლის ხეივანი №64).

საქართველოს განათლების, მეცნიერებისა და
ახალგაზრდობის მინისტრის მოადგილე
ბაია კვიციანი



სახელმწიფო სტიპენდიები სტუდენტებს

პროგრამული კოდი - 32 04 02 06

მუხლი 1.

1.1. პროგრამის დასახელება	სახელმწიფო სტიპენდიები სტუდენტებს
1.2. პროგრამის განხორციელების ვადები	2025 წელი
1.3. პროგრამის ჯამური ბიუჯეტი	16,334,700.00 ლარი
1.4. პროგრამის ხელმძღვანელი	საქართველოს განათლების, მეცნიერებისა და ახალგაზრდობის მინისტრის მოადგილე
1.5 ბიუჯეტის განმკარგავი	უმაღლესი განათლების დეპარტამენტის უფროსი
1.6 ოპერაციული მენეჯერი	1. ქვეპროგრამა "სახელმწიფო სტიპენდიები სტუდენტებს" - უმაღლესი განათლების ხელშეწყობის სამმართველოს პირველი კატეგორიის უფროსი სპეციალისტი - 2. ქვეპროგრამა "დიმიტრი გულიას და კოსტა ხეთაგუროვის სტიპენდიები სტუდენტებს" - უმაღლესი განათლების ხელშეწყობის სამმართველოს პირველი კატეგორიის უფროსი სპეციალისტი - 3. სოციალური სტიპენდია გამყოფი ხაზის მიმდებარე სოფლებში მცხოვრები სტუდენტებისთვის - უმაღლესი განათლების ხელშეწყობის სამმართველოს მეორე კატეგორიის უფროსი სპეციალისტი -

მუხლი 2. პროგრამის აქტუალობა და მიზანი

პიროვნების ინტერესებისა და შესაძლებლობების შესატყვისი უმაღლესი განათლების მიღების მოთხოვნილებათა დაკმაყოფილების, პიროვნული პოტენციალის რეალიზებისა და შემოქმედებითი უნარ-ჩვევების განვითარების მიზნის მისაღწევად სახელმწიფო უზრუნველყოფს უმაღლესი განათლების ხელმისაწვდომობას. პროგრამა ემსახურება სტუდენტთა სწავლის ხელშეწყობას და მოტივაციის ამაღლებას, მათთვის სახელმწიფო სტიპენდიების, ასევე, დიმიტრი გულიასა და კოსტა ხეთაგუროვის სახელობის სტიპენდიების დანიშვნის მეშვეობით. „სახელმწიფო სტიპენდიები სტუდენტებს“ პროგრამის მიზანია სტუდენტთა, მათ შორის ერთიანი ეროვნული გამოცდების გავლის გარეშე ოკუპირებული ტერიტორიებიდან ჩარიცხულ სტუდენტთა, სასწავლო პროცესში აქტიურად ჩართულობის ხელშეწყობა და წახალისება.

ასევე, განათლების ხელმისაწვდომობისა და შეუფერხებლად მიღებისათვის, საქართველოს ოკუპირებულ ტერიტორიებთან გამყოფი ხაზის მიმდებარე სოფლებში მცხოვრები სტუდენტების, რომლებიც სწავლობენ საქართველოს ოკუპირებულ ტერიტორიებთან გამყოფი ხაზის სიახლოვეს არსებულ უნივერსიტეტებში: სსიპ - გორის სახელმწიფო უნივერსიტეტსა და სსიპ - შოთა მესხიას ზუგდიდის სახელმწიფო უნივერსიტეტში და საქართველოს განათლების, მეცნიერებისა და

ახალგაზრდობის მინისტრის 2024 წლის 26 დეკემბრის №1662355 ბრძანებით დამტკიცებული „გამყოფი ხაზის მიმდებარე სოფლებში მცხოვრები სტუდენტების სწავლის დაფინანსების“ პროგრამის ფარგლებში პროგრამით განსაზღვრულ ვადაში წარადგინეს პორტალზე <http://socreg.mes.gov.ge> ელექტრონული განცხადება, სოციალური სტიპენდიით უზრუნველყოფა.

მუხლი 3. პროგრამის მოსალოდნელი შედეგები

2024-2025 სასწავლო წლის იანვრის, თებერვლის, მარტის, აპრილის, მაისის, ივნისის, ივლისის თვეების სახელმწიფო სტიპენდიებით უზრუნველყოფილი იქნება პროგრამაში ჩართული 11 საჯარო სამართლის იურიდიული პირი - უმაღლესი საგანმანათლებლო დაწესებულებების ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის ინტეგრირებული სამაგისტრო, დიპლომირებული მედიკოსის/სტომატოლოგის, აკრედიტებულ საგანმანათლებლო პროგრამებზე ერთიანი ეროვნული გამოცდების შედეგად ჩარიცხული აქტიური სტატუსის მქონე და ერთიანი ეროვნული გამოცდების გავლის გარეშე ჩარიცხული ოკუპირებულ ტერიტორიებზე მცხოვრები აქტიური სტატუსის მქონე 5000 სტუდენტი, ხოლო 2025-2026 სასწავლო წლის ოქტომბრის, ნოემბრის, დეკემბრის თვეების სახელმწიფო სტიპენდიებით უზრუნველყოფილი იქნება პროგრამაში ჩართული 12 საჯარო სამართლის იურიდიული პირი - უმაღლესი საგანმანათლებლო დაწესებულებების ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის ინტეგრირებული სამაგისტრო, დიპლომირებული მედიკოსის/სტომატოლოგის, აკრედიტებულ საგანმანათლებლო პროგრამებზე ერთიანი ეროვნული გამოცდების შედეგად ჩარიცხული აქტიური სტატუსის მქონე და ერთიანი ეროვნული გამოცდების გავლის გარეშე ჩარიცხული ოკუპირებულ ტერიტორიებზე მცხოვრები აქტიური სტატუსის მქონე 5100 სტუდენტი,

დიმიტრი გულიასა და კოსტა ხეთაგუროვის სახელობის სტიპენდიით 2024-2025 სასწავლო წლის იანვრის, თებერვლის, მარტის, აპრილის, მაისის, ივნისის და ივლისის თვეებში უზრუნველყოფილი იქნება 4 სტუდენტი და 2025-2026 სასწავლო წლის ოქტომბრის, ნოემბრის და დეკემბრის თვეებში უზრუნველყოფილი იქნება 5 სტუდენტი.

2024 წლის ოქტომბრის, ნოემბრის, დეკემბრის და 2025 წლის იანვრის, თებერვლის, მარტის, აპრილის, მაისის, ივნისის და ივლისის თვეების სოციალური სტიპენდიით უზრუნველყოფილი იქნება მე-3 ქვეპროგრამის მე-4 მუხლით განსაზღვრული სტუდენტები, რომლებიც სწავლობენ საქართველოს ოკუპირებულ ტერიტორიებთან გამყოფი ხაზის სიახლოვეს არსებულ უნივერსიტეტებში: სსიპ - გორის სახელმწიფო უნივერსიტეტში და სსიპ - შოთა მესხიას ზუგდიდის სახელმწიფო უნივერსიტეტში.

მუხლი 4. პროგრამის განხორციელების მექანიზმები

პროგრამა განხორციელდება ქვეპროგრამების მეშვეობით:

- ✓ ქვეპროგრამა 1. სახელმწიფო სტიპენდიები სტუდენტებს;
- ✓ ქვეპროგრამა 2. დიმიტრი გულიასა და კოსტა ხეთაგუროვის სახელობის სტიპენდიები სტუდენტებს;

- ✓ ქვეპროგრამა 3. სოციალური სტიპენდია გამყოფი ხაზის მიმდებარე სოფლებში მცხოვრები სტუდენტებისთვის.

მუხლი 5. სულ პროგრამის ბიუჯეტი

სახელმწიფო სტიპენდიები სტუდენტებს	2025 წელი
გრანტები	81,900.00
სხვა ხარჯები	16,252,800.00
ჯამი	16,334,700.00

მუხლი 6. ქვეპროგრამების ბიუჯეტი

N	დასახელება	2025 წელი
1	სახელმწიფო სტიპენდიები სტუდენტებს	15,090,000.00
	გრანტები	81,900.00
	სხვა ხარჯები	15,008,100.00
2	დიმიტრი გულიასა და კოსტა ხეთაგუროვის სახელობის სტიპენდიები სტუდენტებს	17,400.00
	სხვა ხარჯები	17,400.00
3	სოციალური სტიპენდია გამყოფი ხაზის მიმდებარე სოფლებში მცხოვრები სტუდენტებისთვის	1,227,300.00
	სხვა ხარჯები	1,227,300.00
	ჯამი	16,334,700.00

მუხლი 7. პროგრამის შეფასების ინდიკატორები

7.1 საბაზისო მაჩვენებელი

- 2024 წლის იანვრის, თებერვლის, მარტის, აპრილის, მაისის, ივნისის, ივლისის, ოქტომბრის, ნოემბრის და დეკემბრის თვეებში სახელმწიფო სტიპენდიით უზრუნველყოფილია 11 სსიპ უმაღლესი საგანმანათლებლო დაწესებულების 5000 წარმატებული სტუდენტი.
- დიმიტრი გულიასა და კოსტა ხეთაგუროვის სახელობის სტიპენდიით 2024 წლის იანვრის, თებერვლის, მარტის, აპრილის, მაისის, ივნისის, ივლისის, ოქტომბრის, ნოემბრის და დეკემბრის თვეებში სტიპენდიით უზრუნველყოფილია 4 სტუდენტი.
- 2023 -2024 სასწავლო წლის პირველ სემესტრში სოციალური სტიპენდიით უზრუნველყოფილია სსიპ - გორის სახელმწიფო უნივერსიტეტის გამყოფი ხაზის მიმდებარე სოფლებში მცხოვრები 271 სტუდენტი და სსიპ - შოთა მესხიას სახელობის ზუგდიდის სახელმწიფო უნივერსიტეტის გამყოფი ხაზის მიმდებარე სოფლებში მცხოვრები 42 სტუდენტი

- 2023 -2024 სასწავლო წლის მეორე სემესტრში სოციალური სტიპენდიით უზრუნველყოფილია სსიპ - გორის სახელმწიფო უნივერსიტეტის გამყოფი ხაზის მიმდებარე სოფლებში მცხოვრები 269 სტუდენტი და სსიპ - შოთა მესხიას სახელობის ზუგდიდის სახელმწიფო უნივერსიტეტის გამყოფი ხაზის მიმდებარე სოფლებში მცხოვრები 40 სტუდენტი

7.2 მიზნობრივი მაჩვენებელი

- 2025 წლის იანვრის, თებერვლის, მარტის, აპრილის, მაისის, ივნისისა და ივლისის თვეებში სახელმწიფო სტიპენდიით უზრუნველყოფილი იქნება 5000 სტუდენტი;
- 2025 წლის ოქტომბრის, ნოემბრის და დეკემბრის თვეებში სახელმწიფო სტიპენდიით უზრუნველყოფილი იქნება 5100 სტუდენტი;
- დიმიტრი გულიასა და კოსტა ხეთაგუროვის სახელობის სტიპენდიით 2024-2025 სასწავლო წლის იანვრის, თებერვლის, მარტის, აპრილის, მაისის, ივნისის და ივლისის თვეებში უზრუნველყოფილი იქნება 4 სტუდენტი და 2025-2026 სასწავლო წლის ოქტომბრის, ნოემბრის და დეკემბრის თვეებში უზრუნველყოფილი იქნება 5 სტუდენტი;
- საქართველოს ოკუპირებულ ტერიტორიებთან გამყოფი ხაზის სიახლოვეს არსებული უნივერსიტეტების სსიპ - გორის სახელმწიფო უნივერსიტეტისა და სსიპ - შოთა მესხიას სახელობის ზუგდიდის სახელმწიფო უნივერსიტეტის გამყოფი ხაზის მიმდებარე სოფლებში მცხოვრები, ქვეპროგრამით განსაზღვრული სტუდენტები უზრუნველყოფილი იქნება 2024 წლის ოქტომბრის, ნოემბრის, დეკემბრის და 2025 წლის იანვრის, თებერვლის, მარტის, აპრილის, მაისის, ივნისის და ივლისის თვეებში სოციალური სტიპენდიით.

7.3. ცდომილების ალბათობა (%/აღწერა)

ცდომილების ალბათობა შეადგენს დაახლოებით 5%-ს.

7.4. შესაძლო რისკები

მიზნობრივი ჯგუფის წარმომადგენლები არ ირიცხებიან საქართველოს ავტორიზებულ უმაღლეს საგანმანათლებლო დაწესებულებებში ან არ აკმაყოფილებენ პროგრამის მოთხოვნებს.

სახელმწიფო სტიპენდიები სტუდენტებს

პროგრამული კოდი - 32 04 02 06

მუხლი 1. ქვეპროგრამის დასახელება და განხორციელების ვადები

1.1 ქვეპროგრამის დასახელება	სახელმწიფო სტიპენდიები სტუდენტებს
1.2 ქვეპროგრამის განხორციელების ვადები	2025 წელი
1.3 ქვეპროგრამის ჯამური ბიუჯეტი	15,090,000.00 ლარი
1.4 ქვეპროგრამის ოპერაციული მენეჯერი	უმაღლესი განათლების ხელშეწყობის სამმართველოს პირველი კატეგორიის უფროსი სპეციალისტი -

მუხლი 2. ქვეპროგრამის მიზანი

„სახელმწიფო სტიპენდიები სტუდენტებს“ ქვეპროგრამის (შემდგომ - ქვეპროგრამა) მიზანია სტუდენტთა სასწავლო პროცესებში აქტიურად ჩართულობის ხელშეწყობა და წახალისება.

მუხლი 3. ქვეპროგრამის აღწერა

პიროვნების ინტერესებისა და შესაძლებლობების შესატყვისი უმაღლესი განათლების მიღების მოთხოვნილებათა დაკმაყოფილების, პიროვნული პოტენციალის რეალიზებისა და შემოქმედებითი უნარ-ჩვევების განვითარების მიზნის მისაღწევად სახელმწიფო უზრუნველყოფს უმაღლესი განათლების ხელმისაწვდომობას. ქვეპროგრამა ემსახურება სტუდენტთა, მათ შორის ერთიანი ეროვნული გამოცდების გავლის გარეშე ოკუპირებული ტერიტორიებიდან ჩარიცხული სტუდენტების სწავლის ხელშეწყობას და მოტივაციის ამაღლებას მათთვის სახელმწიფო სტიპენდიების დანიშვნით.

მუხლი 4. ქვეპროგრამის მიზნობრივი ჯგუფი

1. ქვეპროგრამის მიზნობრივ ჯგუფს წარმოადგენს:

ა) ქვეპროგრამაში ჩართული საჯარო სამართლის იურიდიული პირი – უმაღლესი საგანმანათლებლო დაწესებულებების ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის ინტეგრირებული სამაგისტრო, დიპლომირებული მედიკოსის/სტომატოლოგის, აკრედიტებულ საგანმანათლებლო პროგრამებზე ერთიანი ეროვნული გამოცდების შედეგად ჩარიცხული აქტიური სტატუსის მქონე სტუდენტები;

ბ) ქვეპროგრამაში ჩართული საჯარო სამართლის იურიდიული პირი – უმაღლესი საგანმანათლებლო დაწესებულებების ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის ინტეგრირებული სამაგისტრო, დიპლომირებული მედიკოსის/სტომატოლოგის, აკრედიტებულ საგანმანათლებლო პროგრამებზე ერთიანი ეროვნული გამოცდების გავლის გარეშე ოკუპირებული ტერიტორიებიდან ჩარიცხული აქტიური სტატუსის მქონე სტუდენტები, რომლებზეც „საქართველოს მოქალაქეთა და საქართველოში მცხოვრებ უცხოელთა რეგისტრაციის, პირადობის (ბინადრობის) მოწმობისა და საქართველოს მოქალაქის პასპორტის გაცემის წესის შესახებ“ საქართველოს კანონის 20¹³ მუხლის თანახმად, გაცემულია პირადობის ნეიტრალური მოწმობა ან/და ნეიტრალური სამგზავრო დოკუმენტი ან/და აღნიშნულ

პირს საქართველოს კანონმდებლობით დადგენილი წესით რეგისტრაციის საფუძველზე მინიჭებული აქვს პირადი ნომერი.

2. ქვეპროგრამაში ჩართულია ის უმაღლესი საგანმანათლებლო დაწესებულებები რომელთა საქმიანობაზე სახელმწიფო კონტროლს ახორციელებს საქართველოს მთავრობა (საქართველოს მთავრობის 2025 წლის 31 ოქტომბრის N1815 განკარგულება), საქართველოს განათლების, მეცნიერებისა და ახალგაზრდობის სამინისტრო (შემდგომ - სამინისტრო)

მუხლი 5. ქვეპროგრამის განხორციელების სტრატეგია

1. ქვეპროგრამაში ჩართულ უმაღლეს საგანმანათლებლო დაწესებულებებს გამოეყოფათ ასიგნებები ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის ინტეგრირებული სამაგისტრო, დიპლომირებული მედიკოსის/სტომატოლოგის აკრედიტებულ საგანმანათლებლო პროგრამებზე ჩარიცხულ სტუდენტთა სტიპენდიებით უზრუნველსაყოფად.

2. ქვეპროგრამის მე-4 მუხლით გათვალისწინებული სტუდენტები 2025 წელს სტიპენდიით უზრუნველყოფილი იქნებიან იანვრის, თებერვლის, მარტის, აპრილის, მაისის, ივნისის, ივლისის, ოქტომბრის, ნოემბრის და დეკემბრის თვეებში.

3. სამინისტრო უფლებამოსილია, ქვეპროგრამის მე-4 მუხლით გათვალისწინებული სტუდენტების საერთო რაოდენობის შესახებ ინფორმაცია გამოითხოვოს სსიპ - განათლების მართვის საინფორმაციო სისტემიდან 2025 წლის პირველი აპრილის და პირველი ნოემბრის მდგომარეობით ქვეპროგრამაში ჩართული თითოეული უმაღლესი საგანმანათლებლო დაწესებულებების მიხედვით.

4. სსიპ - განათლების მართვის საინფორმაციო სისტემა ვალდებულია მოთხოვნილი ინფორმაცია სამინისტროს წარუდგინოს მოთხოვნიდან არა უგვიანეს 5 სამუშაო დღის ვადაში.

5. ქვეპროგრამაში ჩართულ, დანართი 1-ით განსაზღვრულ თითოეულ უმაღლეს საგანმანათლებლო დაწესებულებას 2025 წლის იანვრის და თებერვლის თვეების ასიგნებები გამოეყოფა 2024-2025 სასწავლო წლის პირველ სემესტრში ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის ინტეგრირებული სამაგისტრო, დიპლომირებული მედიკოსის/სტომატოლოგის აკრედიტებულ საგანმანათლებლო პროგრამებზე აქტიური სტუდენტის სტატუსის მქონე 5000 სტუდენტის სტიპენდიებით უზრუნველსაყოფად, თითოეული სტუდენტისთვის 300 ლარის ოდენობით თვეში, „სახელმწიფო სტიპენდიები სტუდენტებს“ პროგრამის დამტკიცების შესახებ“ საქართველოს განათლების, მეცნიერებისა და ახალგაზრდობის მინისტრის მოადგილის 2024 წლის 2 თებერვლის N105472 ბრძანებაში ცვლილების შეტანის თაობაზე" საქართველოს განათლების, მეცნიერებისა და ახალგაზრდობის მინისტრის 2024 წლის 25 დეკემბრის №1657408 ბრძანების პირველი პუნქტით გათვალისწინებული დანართის „სახელმწიფო სტიპენდიები სტუდენტებს“ პირველი ქვეპროგრამის მე-5 მუხლის მე-7 პუნქტით განსაზღვრული დანართი №3-ის გათვალისწინებით.

6. ქვეპროგრამაში ჩართულ დანართი N2-ით განსაზღვრულ უმაღლეს საგანმანათლებლო დაწესებულებებს 2025 წლის მარტის, აპრილის, მაისის, ივნისის და ივლისის თვეების ასიგნებები გამოეყოფა 2024-2025 სასწავლო წლის მე-2 სემესტრში, 2025 წლის პირველი აპრილის მდგომარეობით ქვეპროგრამის მე-4 მუხლით გათვალისწინებული აქტიური სტუდენტის სტატუსის მქონე 5000

სტუდენტის სტიპენდიებით უზრუნველსაყოფად, თითოეული სტუდენტისთვის 300 ლარის ოდენობით თვეში.

7. ქვეპროგრამაში ჩართულ დანართი N3-ით განსაზღვრულ უმაღლეს საგანმანათლებლო დაწესებულებებს 2025 წლის ოქტომბრის, ნოემბრის და დეკემბრის თვეების ასიგნებები გამოეყოფა 2025-2026 სასწავლო წლის პირველ სემესტრში, 2025 წლის პირველი ნოემბრის მდგომარეობით ქვეპროგრამის მე-4 მუხლით გათვალისწინებულ აქტიური სტუდენტის სტატუსის მქონე 5100 სტუდენტის სტიპენდიებით უზრუნველსაყოფად, თითოეული სტუდენტისთვის 300 ლარის ოდენობით თვეში.

8. ქვეპროგრამაში ჩართულ, უმაღლეს საგანმანათლებლო დაწესებულებებს, ამ მუხლის მე-6 და მე-7 პუნქტებით გათვალისწინებული ადგილები პროპორციულად გადაუნაწილდება ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის ინტეგრირებული სამაგისტრო, დიპლომირებული მედიკოსის/სტომატოლოგის აკრედიტებულ საგანმანათლებლო პროგრამებზე ქვეპროგრამის მე-4 მუხლით გათვალისწინებულ აქტიური სტუდენტის სტატუსის მქონე სტუდენტთა საერთო რაოდენობის გათვალისწინებით.

9. უმაღლესი საგანმანათლებლო დაწესებულება ვალდებულია, ამ მუხლის მე-8 პუნქტის თანახმად სამინისტროს მიერ მისთვის გამოყოფილი სტიპენდიანტების რაოდენობა პროპორციულად გადაანაწილოს ფაკულტეტების მიხედვით, აქტიური სტუდენტის სტატუსის მქონე სტუდენტთა საერთო რაოდენობის გათვალისწინებით.

10. ამ მუხლის მე-6- მე-9 პუნქტებით გათვალისწინებულ სტიპენდიანტთა შერჩევას ქვეპროგრამაში ჩართული თითოეული უმაღლესი საგანმანათლებლო დაწესებულებისთვის სამინისტროს მიერ განსაზღვრული სტიპენდიანტთა რაოდენობის ფარგლებში ახორციელებენ უმაღლესი საგანმანათლებლო დაწესებულებები, ამ მუხლის მე-11 და მე-12 პუნქტებით გამოთვლილი ქულების რანჟირებით უმაღლესიდან უმდაბლესისკენ.

11. სტიპენდია ენიშნება უმაღლესი საგანმანათლებლო დაწესებულების წარმატებულ სტუდენტს, თუ მას წინა სემესტრში სრულად აქვს ათვისებული საგანმანათლებლო პროგრამით სემესტრისთვის განსაზღვრული კრედიტები და წინა სემესტრის შეფასებების საშუალო არითმეტიკული ქულა შეადგენს 91 ქულას და მეტს. ამასთან, საშუალო არითმეტიკულ ქულას, ქვემოთ ჩამოთვლილი კრიტერიუმების დაკმაყოფილების შემთხვევაში ემატება შესაბამისი ქულები:

- წინა სემესტრში მონაწილეობა აქვს მიღებული სამეცნიერო და სტუდენტურ კონფერენციებში (თითო აქტივობა ფასდება 5 ქულით, მაგრამ არაუმეტეს ჯამური 10 ქულით).

- წინა სემესტრში მონაწილეობა აქვს მიღებული სასწავლო სტუდენტურ აქტივობებში (საუნივერსიტეტო ინტელექტუალური, შემოქმედებით-კულტურული ან სპორტული ღონისძიებები (თითო აქტივობა ფასდება 1 ქულით), იმიტირებული სასამართლო პროცესი (აქტივობა ფასდება 2 ქულით).

- განეკუთვნება სოციალურად მოწყვლად ჯგუფს (რეგისტრირებულია სოციალურად დაუცველი ოჯახების მონაცემთა ერთიან ბაზაში, ოჯახის სარეიტინგო ქულით 70000 და ნაკლები; შეზღუდული შესაძლებლობის მქონე პირი ან სპეციალური საჭიროების მქონე პირი; მაღალმთიანი სტატუსის დასახლებაში მცხოვრები, ობოლი (უდემდამო), მრავალშვილიანი ოჯახის წევრი (4 და მეტი შვილი),

სტუდენტები ოკუპირებული ტერიტორიებიდან, (თითოეული ჯგუფის კუთვნილებისას ემატება 1 ქულა).

12. იმ შემთხვევაში, თუ უმაღლესი საგანმანათლებლო დაწესებულება მე-11 პუნქტით გათვალისწინებულ შემთხვევაში სრულად ვერ აითვისებს სამინისტროს მიერ აღნიშნული უნივერსიტეტისთვის გამოყოფილ სტიპენდიატა რაოდენობას, აუთვისებელი სტიპენდიების რაოდენობის ფარგლებში სტიპენდია დაენიშნება სტუდენტს, თუ მას წინა სემესტრში სრულად აქვს ათვისებული საგანმანათლებლო პროგრამით სემესტრისთვის განსაზღვრული კრედიტები და რომლის წინა სემესტრის შეფასებების საშუალო არითმეტიკული ქულა ნაკლებია 91 ქულაზე. ამასთან, საშუალო არითმეტიკულ ქულას, ქვემოთ ჩამოთვლილი კრიტერიუმების დაკმაყოფილების შემთხვევაში ემატება შესაბამისი ქულები:

- წინა სემესტრში მონაწილეობა აქვს მიღებული სამეცნიერო და სტუდენტურ კონფერენციებში (თითო აქტივობა ფასდება 5 ქულით, მაგრამ არაუმეტეს ჯამური 10 ქულისა).

- წინა სემესტრში მონაწილეობა აქვს მიღებული სასწავლო სტუდენტურ აქტივობებში (საუნივერსიტეტო ინტელექტუალური, შემოქმედებით-კულტურული ან სპორტული ღონისძიებები (თითო აქტივობა ფასდება 1 ქულით), იმიტირებული სასამართლო პროცესი (ფასდება 2 ქულით).

- განეკუთვნება სოციალურად მოწყვლად ჯგუფს (რეგისტრირებულია სოციალურად დაუცველი ოჯახების მონაცემთა ერთიან ბაზაში, ოჯახის სარეიტინგო ქულით 70000 და ნაკლები; შეზღუდული შესაძლებლობის მქონე პირი ან სპეციალური საჭიროების მქონე პირი; მაღალმთიანი სტატუსის დასახლებაში მცხოვრები, ობოლი (უდემამო), მრავალშვილიანი ოჯახის წევრი (4 და მეტი შვილი), სტუდენტები ოკუპირებული ტერიტორიებიდან, (თითოეული ჯგუფის კუთვნილებისას ემატება 1 ქულა).

13. მე-11 და მე-12 პუნქტებით განსაზღვრულ სტიპენდიანტთა შერჩევისას, თუ ბოლო ადგილზე თანაბარი ქულა აქვს რამდენიმე სტუდენტს, უპირატესობა მიენიჭება შემდეგ თანმიმდევრობას:

- წინა სემესტრის შეფასების მაღალ საშუალო არითმეტიკულ ქულას;
- სოციალურად მოწყვლად ჯგუფს;
- სამეცნიერო და სტუდენტურ კონფერენციებში მონაწილეობას;
- სასწავლო სტუდენტურ აქტივობებში მონაწილეობას.

14. სტიპენდიით დაფინანსების უფლების მქონე პირთა განსაზღვრა ხორციელდება ყოველი სემესტრის დასაწყისში, წინა სემესტრის მონაცემების საფუძველზე.

15. ქვეპროგრამაში ჩართულ უმაღლეს საგანმანათლებლო დაწესებულებაში სტიპენდიის მფლობელი სტუდენტის სტატუსის შეჩერების/შეწყვეტისას სტიპენდიის გაცემა შეწყდება.

16. ამ მუხლის მე-15 პუნქტით გათვალისწინებულ შემთხვევაში, უმაღლესი საგანმანათლებლო დაწესებულება უფლებამოსილია მიიღოს გადაწყვეტილება გაუცემელი თანხის სხვა სტუდენტისთვის სტიპენდიის სახით დანიშვნის შესახებ.

17. ქვეპროგრამის მონიტორინგს ახორციელებს სამინისტროს უმაღლესი განათლების დეპარტამენტის უმაღლესი განათლების ხელშეწყობის სამმართველო.

18. უმაღლესი განათლების დეპარტამენტი მონიტორინგის ფარგლებში უფლებამოსილია უმაღლესი საგანმანათლებლო დაწესებულებიდან გამოითხოვოს, ხოლო უმაღლესი საგანმანათლებლო დაწესებულება ვალდებულია მიაწოდოს დეპარტამენტს, ქვეპროგრამის - „სახელმწიფო სტიპენდიები სტუდენტებს“ ფარგლებში გამოცემული ინდივიდუალური ადმინისტრაციულ-სამართლებრივი აქტები, ინფორმაცია, მათ შორის, პერსონალური მონაცემები, შერჩეულ სტიპენდიანტ სტუდენტთა შესახებ და ა.შ.

19. უმაღლესი განათლების დეპარტამენტი უფლებამოსილია, საჭიროების შემთხვევაში, სსიპ - განათლების მართვის საინფორმაციო სისტემიდან გამოითხოვოს, ხოლო სსიპ - განათლების მართვის საინფორმაციო სისტემა ვალდებულია მიაწოდოს დეპარტამენტს, საგანმანათლებლო დაწესებულებების რეესტრში დაცული ინფორმაცია, მათ შორის, პერსონალური მონაცემები, სტუდენტების შესახებ.

20. სამინისტრო სსიპ - ქუთაისის საერთაშორისო უნივერსიტეტს დაფინანსებას გადაურიცხავს კანონმდებლობით დადგენილი წესით, ხელშეკრულების საფუძველზე, რომლის ინიცირებასაც უზრუნველყოფს უმაღლესი განათლების დეპარტამენტი.

მუხლი 6. მოსალოდნელი საბოლოო შედეგი

2024-2025 სასწავლო წლის იანვრის, თებერვლის, მარტის, აპრილის, მაისის, ივნისის და ივლისის თვეებში სახელმწიფო სტიპენდიით უზრუნველყოფილი იქნება ქვეპროგრამაში ჩართული საჯარო სამართლის იურიდიული პირი - უმაღლესი საგანმანათლებლო დაწესებულებების ბაკალავრიატის, მასწავლებლის მომზადების ინტეგრირებული საბაკალავრო-სამაგისტრო, ვეტერინარიის ინტეგრირებული სამაგისტრო, დიპლომირებული მედიკოსის/სტომატოლოგის, აკრედიტებულ საგანმანათლებლო პროგრამებზე ერთიანი ეროვნული გამოცდების შედეგად ჩარიცხული აქტიური სტატუსის მქონე და ერთიანი ეროვნული გამოცდების გავლის გარეშე ოკუპირებული ტერიტორიებიდან ჩარიცხული აქტიური სტატუსის მქონე 5000 სტუდენტი, ხოლო და 2025-2026 სასწავლო წლის ოქტომბრის, ნოემბრის და დეკემბრის თვეებში უზრუნველყოფილი იქნება 5100 სტუდენტი.

მუხლი 7. ქვეპროგრამის სპეციფიური ამოცანები, ვადები და შესაბამისი აქტივობები

N	ამოცანა/შედეგი	აქტივობები	ვადები
1	2025 წლის იანვრის და თებერვლის თვეებში სტუდენტთა სტიპენდიით უზრუნველყოფა	1.1 უმაღლესი საგანმანათლებლო დაწესებულებებისთვის დაფინანსების მოცულობების განსაზღვრა	2025 წლის იანვარი-თებერვალი
2	2025 წლის მარტის, აპრილის, მაისის, ივნისის და ივლისის თვეებში სტუდენტთა სტიპენდიით უზრუნველყოფა	2.1. უმაღლესი საგანმანათლებლო დაწესებულებებისთვის სტიპენდიანტთა რაოდენობის და დაფინანსების მოცულობის განსაზღვრა; 2.2 სტიპენდიანტთა შერჩევა.	2025 წლის აპრილი-ივლისი

3	2025 წლის ოქტომბრის, ნოემბრის და დეკემბრის თვეებში სტუდენტთა სტიპენდიით უზრუნველყოფა	3.1 უმაღლესი საგანმანათლებლო დაწესებულებებისთვის სტიპენდიანტთა რაოდენობის და დაფინანსების მოცულობის განსაზღვრა; 3.2 სტიპენდიანტთა შერჩევა.	2025 წლის ნოემბერი-დეკემბერი
---	--	---	------------------------------

მუხლი 8. ქვეპროგრამის განხორციელებაში ჩართული მხარეები და მათი ფუნქციები/ვალდებულებები

N	პასუხისმგებელი უწყება/სტრუქტურული ერთეული/პოზიცია	ფუნქციები/ვალდებულება
1	სამინისტროს უმაღლესი განათლების დეპარტამენტის უმაღლესი განათლების ხელშეწყობის სამმართველო	- გამოითხოვს ინფორმაციას სსიპ - განათლების მართვის საინფორმაციო სისტემიდან 2025 წლის პირველი აპრილის და პირველი ნოემბრის მდგომარეობით; - უზრუნველყოფს სტიპენდიანტთა რაოდენობის და თანხის ოდენობის განსაზღვრას, ასევე ქვეპროგრამის მონიტორინგს.
2	სსიპ - განათლების მართვის საინფორმაციო სისტემა	უზრუნველყოფს ქვეპროგრამით განსაზღვრული ინფორმაციის სამინისტროში წარდგენას 2025 წლის პირველი აპრილის და პირველი ნოემბრის მდგომარეობით.
3	სამინისტროს ეკონომიკური დეპარტამენტი	ფინანსური უზრუნველყოფა.
4	სამინისტროს იურიდიული დეპარტამენტი	შესაბამისი ინიცირების საფუძველზე მინისტრის ინდივიდუალური ადმინისტრაციულ-სამართლებრივი აქტების მომზადება.
5	ქვეპროგრამაში ჩართული საჯარო სამართლის იურიდიული პირი - უმაღლესი საგანმანათლებლო დაწესებულებები	უზრუნველყოფენ სტიპენდიანტთა შერჩევას მე-5 მუხლის მე-5-მე-13 პუნქტების მოთხოვნათა დაცვით, მათზე სტიპენდიების გაცემას და სამინისტროსთვის მოთხოვნილი დოკუმენტების მიწოდებას.

მუხლი 9. ქვეპროგრამის ბიუჯეტი

პროგრამული კოდი	ქვეპროგრამის დასახელება	2025 წელი
32 04 02 06	სახელმწიფო სტიპენდიები სტუდენტებს	15,090,000.00
	გრანტები	81,900.00
	სხვა ხარჯები	15,008,100.00

მუხლი 10. მოსალოდნელი საბოლოო შედეგების შეფასების ინდიკატორები მიმდინარე წლისთვის

10.1 საბაზისო მაჩვენებელი - არსებული რეალობის ამსახველი ინდიკატორი

- ✓ 2024 წლის იანვრის, თებერვლის, მარტის, აპრილის, მაისის, ივნისის, ივლისის, ოქტომბრის, ნოემბრის და დეკემბრის თვეებში სახელმწიფო სტიპენდიით უზრუნველყოფილია 11 სსიპ უმაღლესი საგანმანათლებლო დაწესებულების 5000 წარმატებული სტუდენტი.

10.2. მიზნობრივი მაჩვენებელი

- ✓ 2025 წლის იანვრის, თებერვლის, მარტის, აპრილის, მაისის, ივნისის, ივლისის, თვეებში სახელმწიფო სტიპენდიით უზრუნველყოფილი იქნება 5000 სტუდენტი, ხოლო ოქტომბრის, ნოემბრის და დეკემბრის თვეებში სახელმწიფო სტიპენდიით უზრუნველყოფილი იქნება 5100 სტუდენტი.

10.3. ცდომილების ალბათობა (%/აღწერა)

ცდომილების ალბათობა შეადგენს დაახლოებით 5%-ს.

10.4. შესაძლო რისკები

მიზნობრივი ჯგუფის წარმომადგენლები არ აკმაყოფილებენ პროგრამის მოთხოვნებს.

ქვეპროგრამაში ჩართული უმაღლესი საგანმანათლებლო დაწესებულებებისთვის 2025 წლის
იანვრის და თებერვლის თვეებში გამოყოფილი ასიგნებები

N	უმაღლესი საგანმანათლებლო დაწესებულება	2024-2025 სასწავლო წელს უმაღლესი განათლების პირველ საფეხურზე აქტიური სტუდენტის სტატუსის მქონე სტუდენტთა საერთო რაოდენობა 2024 წლის 1 ნოემბრის მდგომარეობით	სტიპენდიანტთა რაოდენობა	ერთი თვის თანხა (ლარი)	ორი თვის თანხა (ლარი)
1	სსიპ - აკაკი წერეთლის სახელმწიფო უნივერსიტეტი	7794	500	150,000.00	300,000.00
2	სსიპ - ბათუმის შოთა რუსთაველის სახელმწიფო უნივერსიტეტი	5869	376	112,800.00	225,600.00
3	სსიპ - გორის სახელმწიფო უნივერსიტეტი	1858	119	35,700.00	71,400.00
4	სსიპ - თბილისის სახელმწიფო სამედიცინო უნივერსიტეტი	5024	322	96,600.00	193,200.00
5	სსიპ - იაკობ გოგებაშვილის სახელობის თელავის სახელმწიფო უნივერსიტეტი	1272	81	24,300.00	48,600.00
6	სსიპ - ივანე ჯავახიშვილის სახელობის თბილისის სახელმწიფო უნივერსიტეტი	21130	1354	406,200.00	812,400.00
7	სსიპ - ილიას სახელმწიფო უნივერსიტეტი	14054	901	270,300.00	540,600.00

8	სსიპ - სამცხე - ჯავახეთის სახელმწიფო უნივერსიტეტი	1566	100	30,000.00	60,000.00
9	სსიპ - საქართველოს ტექნიკური უნივერსიტეტი	15579	999	299,700.00	599,400.00
10	სსიპ - სოხუმის სახელმწიფო უნივერსიტეტი	2912	187	56,100.00	112,200.00
11	სსიპ - შოთა მესხიას ზუგდიდის სახელმწიფო უნივერსიტეტი	946	61	18,300.00	36,600.00
სულ		78 004	5 000	1,500,000.00	3,000,000.00

ქვეპროგრამაში ჩართული უმაღლესი საგანმანათლებლო დაწესებულებებისთვის 2025 წლის
მარტის, აპრილის, მაისის, ივნისისა და ივლისის თვეებში გამოყოფილი ასიგნებები

N	უმაღლესი საგანმანათლებლო დაწესებულება	2024-2025 სასწავლო წელს უმაღლესი განათლების პირველ საფეხურზე აქტიური სტუდენტის სტატუსის მქონე სტუდენტთა საერთო რაოდენობა 2025 წლის 1 აპრილის მდგომარეობით	სტიპენდიანტთა რაოდენობა	ერთი თვის თანხა (ლარი)	ხუთი თვის თანხა (ლარი)
1	სსიპ - აკაკი წერეთლის სახელმწიფო უნივერსიტეტი	7512	516	154,800.00	774,000.00
2	სსიპ - ბათუმის შოთა რუსთაველის სახელმწიფო უნივერსიტეტი	5813	400	120,000.00	600,000.00
3	სსიპ - გორის სახელმწიფო უნივერსიტეტი	1808	124	37,200.00	186,000.00
4	სსიპ - თბილისის სახელმწიფო სამედიცინო უნივერსიტეტი	4547	313	93,900.00	469,500.00
5	სსიპ - იაკობ გოგებაშვილის სახელობის თელავის სახელმწიფო უნივერსიტეტი	1208	83	24,900.00	124,500.00
6	სსიპ - ივანე ჯავახიშვილის სახელობის თბილისის სახელმწიფო უნივერსიტეტი	19111	1314	394,200.00	1,971,000.00
7	სსიპ - ილიას სახელმწიფო უნივერსიტეტი	12855	884	265,200.00	1,326,000.00

8	სსიპ - სამცხე - ჯავახეთის სახელმწიფო უნივერსიტეტი	1416	97	29,100.00	145,500.00
9	სსიპ - საქართველოს ტექნიკური უნივერსიტეტი	14698	1011	303,300.00	1,516,500.00
10	სსიპ - სოხუმის სახელმწიფო უნივერსიტეტი	2845	196	58,800.00	294,000.00
11	სსიპ - შოთა მესხიას ზუგდიდის სახელმწიფო უნივერსიტეტი	902	62	18,600.00	93,000.00
სულ		72 715	5 000	1,500,000.00	7,500,000.00

ქვეპროგრამაში ჩართული უმაღლესი საგანმანათლებლო დაწესებულებებისთვის 2025 წლის
ოქტომბრის, ნოემბრის და დეკემბრის თვეებში გამოყოფილი ასიგნებები

N	უმაღლესი საგანმანათლებლო დაწესებულება	2025-2026 სასწავლო წელს უმაღლესი განათლების პირველ საფეხურზე აქტიური სტუდენტის სტატუსის მქონე სტუდენტთა საერთო რაოდენობა 2025 წლის 1 ნოემბრის მდგომარეობით	სტიპენდიანტთა რაოდენობა	ერთი თვის თანხა	სამი თვის თანხა
1	სსიპ - აკაკი წერეთლის სახელმწიფო უნივერსიტეტი	7 755	487	146,100.00	438,300.00
2	სსიპ - ბათუმის შოთა რუსთაველის სახელმწიფო უნივერსიტეტი	5 976	375	112,500.00	337,500.00
3	სსიპ - გორის სახელმწიფო უნივერსიტეტი	2 037	128	38,400.00	115,200.00
4	სსიპ - თბილისის სახელმწიფო სამედიცინო უნივერსიტეტი	4 305	270	81,000.00	243,000.00
5	სსიპ - იაკობ გოგებაშვილის სახელობის თელავის სახელმწიფო უნივერსიტეტი	1 321	83	24,900.00	74,700.00
6	სსიპ - ივანე ჯავახიშვილის სახელობის თბილისის სახელმწიფო უნივერსიტეტი	21 589	1 356	406,800.00	1,220,400.00
7	სსიპ - ილიას სახელმწიფო უნივერსიტეტი	14 227	894	268,200.00	804,600.00
8	სსიპ - სამცხე - ჯავახეთის სახელმწიფო უნივერსიტეტი	1 490	94	28,200.00	84,600.00
9	სსიპ - საქართველოს ტექნიკური უნივერსიტეტი	16 853	1 059	317,700.00	953,100.00

10	სსიპ - სოხუმის სახელმწიფო უნივერსიტეტი	3 226	203	60,900.00	182,700.00
11	სსიპ - შოთა მესხიას ზუგდიდის სახელმწიფო უნივერსიტეტი	952	60	18,000.00	54,000.00
12	სსიპ - ქუთაისის საერთაშორისო უნივერსიტეტი	1 447	91	27,300.00	81,900.00
სულ		81 178	5 100	1,530,000.00	4,590,000.00